

佛日普照慧辯楚石禪師語錄

小師比丘祖光編



清刻龍藏佛說法變相圖

佛曰普照慧辯楚石禪師六會語錄序 粂五

金華宋濂撰

宋濂

撰

大慧提唱圓悟之道於徑山神機妙用廣大無礙入其門者凡情盡喪得法弟子不翅十餘人各闡化原而佛照於其中稱爲善繼佛

照之後而妙峯紹之妙峯之後而藏叟承之

如持左券相授器度脗合無差爽者寂照在

四傳之餘復能克肖前人誠所謂世濟其美然而諸佛證入雖有不同其上接西來宗旨

使人離垢氣而發精明者則一而已矣寂照

之弟子楚石禪師蚤以穎悟之姿銳意於道一時名德若晦機若虛谷若雲外爭欲令出座下師皆謝之惟詣寂照之室反覆參叩一聞鼓鳴羣疑冰消世間萬物總總林林皆能助發真常之機自是六坐道場說法度人嬉

笑怒罵無非佛事至於現寶樓閣及種種莊嚴導彼末法因相生悟其與一實境界未嘗違背聲聞之起水湧山出迨世緣將盡顏色不異常時翛然坐脫如返故廬則其俊偉光明較於恃口給而昧心學者其果何如也哉

嗚呼大慧之道至矣自他宗言之執持正法

作獅子王哮吼者固往往有人第近年以來

傳者失真瀾倒波隨所趨日下司法柄之士復輕加印可致使魚目混珍揚眉瞬目之頃

輒曰彼已悟矣何其易悟哉人遂謂之爲鉢

子之印非特此也五家宗要歷抄而熟記之曰此爲臨濟此爲曹洞法眼此爲鴻仰雲門不問傳之絕續設爲活機如此問者即如此答多至十餘轉語以取辨於口名之曰傳公案若是者皆見棄於師者也今觀師之六會

語小入無內大入無外機用真切無愧先德惟具金剛眼者有以知余言之有在也余耄矣厄於索文者繁多力固拒之此獨樂序之而弗寘者憫魔說之害教表正傳以勵世也師諱楚琦其字楚石行業之詳則備見塔銘

卷五中其來徵序者得法上首瑩中獻公也無相

居士金華宋濂謹序

佛曰普照慧辯楚石禪師語錄序

自驚嶺拈花鶴林示寂以來二千有餘歲矣所謂實相無相微妙法門初不增減也然古  
一人有言得之於心伊蘭作栴檀之樹失之於旨甘露乃旃藜之園若作得失論量未免傍觀者哂初機後學憑個什麼菩提達磨觀東震旦國有大乘氣象遂逾海越漠而至金陵奏對梁王梁王不契折蘆渡江憩止少林面

士錢惟善序

壁九年終不杜口空回須印證神光始得神  
光五傳而得曹溪折爲二宗其一爲南岳得  
馬祖馬祖之下臨濟鴻仰宗之其一爲青原  
得石頭石頭之下雲門曹洞灑眼宗之是爲  
五家宗派臨濟得興化興化得南院南院得

風穴風穴得晉山晉山得汾陽汾陽得慈明  
慈明得楊岐楊岐得白雲白雲得五祖五祖  
得圓悟至此又析爲二宗妙喜虎邱子孫滿  
地妙喜得育王佛照佛照得靈隱妙峯妙峯  
得徑山藏雲藏雲得寂照元叟無非磊磊落

三

五

落掀天揭地者今天寧楚石禪師實嗣元叟

五十年間六坐道場偈語流布叢林其提唱  
有六會錄脫畧近時稟白巖持古宿風規電  
坼霜開金聲玉振是稱妙喜第五世的骨之

孫覽者自當有所證入至正丁未秋曲江居

佛日普照慧辨楚石禪師語錄目錄

序一

序二

目錄

卷第一

住福臻禪寺語錄

住海鹽州天寧永祚禪寺語錄

卷第二

住海鹽州天寧永祚禪寺語錄

卷第三

住杭州路鳳山大報國禪寺語錄

住嘉興路本覺禪寺語錄

卷第四

住嘉興路本覺禪寺語錄

住嘉興路光孝禪寺語錄

卷五

一五·一六一二

卷第五

住嘉興路光孝禪寺語錄

再住海鹽州天寧永祚禪寺語錄

代別

卷第六

代別

卷第七

秉拂小參

卷第八

舉古

卷第九

舉古

卷第十

頌古

卷第十一

四五九

龍藏

頌古

佛祖偈贊

卷第十一

佛祖偈贊

卷第十二

法語

卷五

偈頌

卷第十三

偈頌

卷第十四

偈頌

卷第十五

偈頌

卷第十六

雜著

水陸陞座  
行狀

塔銘

佛曰普照慧辯楚石禪師語錄目錄

佛日普照慧辯楚石禪師語錄卷第一

小師比丘祖光編

住福臻禪寺

師於泰定元年冬在徑山興聖萬壽禪寺首座察受請入寺

山門盡大地是解脫門枉做個佛法會却泥多佛大水長船高

佛殿城東老母不願見調蓬比丘常怒嗔信

手拈一炷香也是冬行春令

祖堂總是這一隊漢佛灑不到今日不是這

一隊漢佛法不到今日且道是肯他不肯他

據室繩牀角頭三尺地是諸人乞命處放過一著轉見不堪你也沒量罪過我也没量罪

過

行宣政院帖孤峯頂上盤結草菴有口只堪

卷五

掛壁十字街頭解開布袋入水方見長人因  
什麼到恁麼地度帖云只將補袞調羹手撥  
轉如來正灑輪指灑座云爲灑來耶爲牀座  
耶摩霄俊鶻便合乘時止灑困奧徒勞激浪  
遂陞座拈香祝聖罷拈香云此一瓣香奉爲  
見住徑山元叟端和尚用酬法乳之恩飲衣  
就座天寧老和尚白槌云法筵龍象衆當觀  
第一義師云早是第二義了也餉間便是第  
三義然當爐不避火迸新長老今日性命在  
諸人手裏一任橫拖倒拽重賞之下必有勇  
夫有麼有麼僧問天坐寶蓋地湧金蓮一句  
無私如何祝贊師云吾常於此切進云常將  
日月爲天眼指出須彌作壽山師云三千年  
黃河一度清進云我本無心有所希求今此  
灑王大寶自然而至且如何是灑王大寶師

云有眼者見有耳者聞進云莫祇者便是麼  
師云擊碎髑髏拽脫鼻孔進云如何受用師  
云直待雨淋頭僧禮拜師乃云未離兜率已  
降王宮未出母胎度人已畢三世諸佛歷代  
祖師天下老和尚說心說性舉古舉今總是

無風雨市之波實情好與二十柱杖新福臻

今日不是盡灑無民打頭不遇作家到底翻  
成骨董人若相委悉拈却炙脂帽子脫却鶻  
臭布衫其或未然明朝後日大有事在復舉  
臨濟示衆云赤肉團上有一無位真人常在  
汝諸人面門出入未證據者看看時有僧出  
問云如何是無位真人濟下繩牀擋住云道  
道僧擬議濟托開云無位真人是什麼乾屎  
橛便歸方丈師云臨濟若無後語洎被打破  
蔡州雖然宋無白澤之圖必無如是妖怪

除夜小參善哉三下板知識盡來參既善知  
時節吾今不再三諸仁者一舉更不再舉今  
已再舉一聞更不再聞今已再聞頭頭二明  
物物上了如理如事亘古亘今不是涅槃心  
亦非正灑眼恁麼恁麼三世諸佛祇言自知  
不恁麼不恁麼六代祖師無啟口處設使言  
前薦得猶爲滯穀迷封假饒句下精通未免  
觸途狂見今夜向紅爐上拾一點雪枯木上  
繆此子花與你諸人赴個時節殘燈隨臘盡  
爆竹送春來復舉盤山云向上一路千聖不  
傳慈明云向上一路千聖不然妙喜云向上  
一路熟益鳴聲師云三大老盡力道只發明  
得向下一路若是向上一路驢年夢見麼  
元宵上堂今朝正月半燈月光撩亂目前無  
一物打鼓普請看復云刺破眼

上堂僧問不愁念起惟恐覺遲如何是覺師  
云牛角馬角進云如何是念師云四五二十  
也不識僧禮拜乃云心不是佛智不是道開  
口即鐸動念即乖諸聖競出頭來未免指鹿  
爲馬到者裏說個什麼即得指東指西得麼

卷五

點胸點肋得麼好晴好雨得麼行棒行喝得

麼總是羗粥飯氣佛灑未夢見在平白散去  
孤負上來鼓這兩片皮謾大眾不少今作麼  
生歸堂

上堂巖頭道須是一一從自己胸中流出與

我蓋天蓋地去恁麼道被他掘窖深埋了也  
茫茫宇宙人無數那個男兒是丈夫男兒丈  
夫相去多少待你出窖來却向你道

朝京回上堂祝聖罷僧出問云奉詔迢迢上  
玉京京師早已播師名天香滿袖歸來也恰

值黃河一度清學人上來請師祝贊師云天

無私覆進云金枝永茂千千界玉葉長敷萬  
萬春師云且得闡黎證明進云答日宋太宗  
皇帝因僧朝見坐問云甚處來答云廬山臥  
雲菴帝云朕聞臥雲深處不朝天因甚到這

裏當時無對還作麼生師云這僧豈不作家  
進云後來雪竇代云難逃至化還契得太宗  
也無師云直是千里萬里乃云風不鳴條雨  
不破塊民不失所路不拾遺正恁麼時好個  
太平時節山僧近承使命遠屆上京面對龍

卷五

九

顧親聞詔旨風雲慶會千載一時及此還山  
將何報答也不出這個時節諸佛出世祖師  
西來天下老和尚直指曲說總不出這個時  
節所以道欲識佛性義當觀時節因緣時節  
若至其理自彰且作麼生是自彰底理皇圖

齊北極聖壽等南山

浴佛上堂一手指天已在言前一手指地莫教錯會天上天下可知禮也惟吾獨尊口是禍門正恁麼時如何委悉拈拄杖千古長如白練飛一條界破青山色

端午上堂今朝五月五不打蕩芸鼓荒却自家田昧却家中主報諸人休莽鹵赤口白舌盡消除無位真人汗如雨

上堂舉僧問南院從上諸聖什麼處去院云

不上天堂便入地獄僧云和尚作麼生院云還知寶應老落處麼僧擬議院以拂子罵口打復喚僧近前云令合是汝行又打一拂子

雪竇云令既自行且拂子不知來處雪竇道個瞎且要雪上加霜妙喜云權衡臨濟三要三玄須還他南院始得雪竇爲什麼却道拂

子不知來處妙喜道個瞎且圖兩得相見師云雪竇雖是明眼宗師要且未知寶應老落處既未知寶應老落處因什麼却道拂子不知來處只具一隻眼妙喜老漢道個瞎也是東家人死西家人助哀

上堂幾回生幾回死生死悠悠無定止自從頓悟了無生於諸榮辱何憂喜驀拈拄杖云這個不是無生永嘉大師什麼處去也擊香臺云在這裏擲下云急急如律令

上堂滿耳非聲滿眼非色刹刹觀音塵塵彌勒當陽有指示徧界無踪跡無踪跡何所得你還見壁麼

上堂什麼物恁麼來莫認驄鞍橋作阿爺下領便下座

上堂林間鵠噪水底魚行胡僧兩耳帶金環

踏破草鞋赤脚走若作奇特解會不直半文  
錢若作平實商量總在我手裏拈拄杖云吽

吽

上堂竺土大仙心東西密相付纔聞舉着打  
破髑髏早是被他丈二釘八尺榍榍了也更

開大口道我超佛越祖坐斷古今與麼不識  
好惡切不可向衲僧門下過何故殺人可恕

無禮難容

上堂一是一二是二三是三四是四南北東  
西依位次仔細看來三家村裏土地相似只  
是個無轉智大王忽若東弗于遠掇過西瞿  
耶尼南瞻部洲翻作北鬱單越大洋海底走

馬須彌山上行船你又向什麼處摸索

經會上堂僧問一大藏教是個切脚未審切  
個什麼字師云切個不字進云只如不字又

切個什麼字師云莫錯舉似人進云謝師指  
示師云石羊頭子向東看乃云諸供養中灑  
供養最供養即不無如何是灑莫道我謾你  
南無佛陀南無達磨南無僧伽卓拄杖云山  
河大地草木叢林盡向這裏平等證入未解  
脫者令得解脫未涅槃者令得涅槃雖在衲  
僧分上如經蠱毒之家水也不得沾他一滴

靠拄杖下座

上堂長長短短新筍芽零零落落舊籬笆  
蹊密密蠶豆莢紅紅白白鷺粟花山又青水  
又綠美又香飯又熟喫了東西自在行誰能  
受你閒拘束拈拄杖云還拘束得麼擲下云

不可不自在也

施主莊佛上堂舉答有秀才問長沙某甲會  
看千佛經百千諸佛但見其名未審居何國

土長沙召秀才才應諾沙云黃鶴樓雀顙題  
後秀才還會題否才云不曾題沙云得閒題  
取一篇好師頌云百千諸佛但聞名國土從  
來作麼生黃鶴樓中詩一首任教今古競頭  
爭

上堂彌勒真彌勒分身千百億時時示時人  
時人自不識拈拄杖云衝開碧落松千丈截

斷紅塵水一溪

住海鹽州天寧永祚禪寺語錄

師於天曆元年二月初三日入寺

山門闊市門頭來千去萬入寺看額能有幾  
人復云是什麼便入

佛教是你是我撒土撒沙同門出入生死冤  
家

據室這裏無密室傳授底邊痛棒熾喝白日

卷五

十一

青天儻或躡躅君往西秦我之東魯  
拈宣政院疏答曰靈山親付囑今朝付囑與  
靈山以何爲驗度疏云以此爲驗

灑座靈山堂已爲諸人說灑了也還聞麼若  
不聞未免爲蛇畫足遂陞座

拈香云此一瓣香端爲祝延今上皇帝聖躬  
萬歲萬歲萬歲萬歲

此一瓣香奉爲宣政院官嘉興路官海鹽州  
官同增祿矣

此一瓣香奉爲見住徑山興聖萬壽禪寺妙  
喜第四世元叟端禪師以酬灑乳乃就座  
師云把定乾坤不通水泄放開線道許你商

量有麼有麼僧問山青水綠李白桃紅南北  
東西總是國王水土四維上下無非佛祖門  
庭正與麼時請師祝贊師云五日風十日雨

進云與麼則築着磕着去也師云間進云春  
色無高下花枝自短長師云只恐不是玉進  
云院堂宰相公選住持合郡尊官同臨灑席  
未審發明什麼事師云驗在目前進云五祖  
演和尚道山前一片閒田地<sup>一</sup>义手丁寧問祖

卷五

三

翁幾度賣來還自買爲憐松竹引清風且如  
何是祖翁田地師云看脚下進云賣與阿誰  
師云聽事不真進云不作貴不作賤作麼生  
買師云三生六十劫進云爭奈被和尚坐斷  
了也師云牆壁有耳進云只如上手契書是  
什麼人寫師云今日東風起進云謝師指示  
師云三十棒且待別時乃云山僧答在此山  
得度是個脫白沙彌無端被人推出人天衆  
前稱爲長老泥猪疥狗還避得麼今日掇向  
曲角木牀指東畫西是冤初入門第一杓惡

水到這裏事不獲已只得壁破面皮將些葛  
藤東葛西葛是以釋迦老子於正覺山前明  
星出時忽然大悟且道悟個什麼山僧今日  
開堂說法又說個什麼不免將第二杓惡水  
澆潑諸人去也拈拄杖卓一下喝一喝

復舉六祖至廣州法性寺寓止廊廡間暮夜  
風颶刹幡聞二僧對論一云幡動一云風動  
往復酬答曾未契理祖云可容俗流輒與高  
論否直以非風幡動仁者心動耳師云諸禪  
德風動幡動心動爲你拈了也向什麼處見

祖師

當晚小參舉同安不和尚因僧問如何是和  
尚家風安云金雞抱子離青漢王免懷胎入  
紫微僧云忽遇客來將何抵待安云金果早  
朝猿摘去玉華晚後鳳銜來師云正偏回互

不犯鋒鎌問答縱橫惟明尊貴同安老人慣得其便或有人問天寧如何是和尚家風向道鉢盂饋子忽遇客來將何祇待飯後一杯茶且道與古人是同是別

上堂金刀剪不破彩筆畫難成千里莫持來

萬般俱刻却釋迦老子道應如是知如是見

如是信解不生法相正是推波助瀾未得脫

洒在如何是脫洒一句芍藥花開菩薩面燙

櫛葉散夜叉頭

上堂米裏有蟲麥裏有麵厨庫僧堂山門佛

殿蓋子撲落地牒子成七片

淨慈雪窓光書記至上堂上大人丘乙巳化

三千七十士爾小生八九子佳作仁可知禮

也召衆云是什麼語話孔門弟子無人識碧

眼胡僧笑點頭

上堂鴉啼古木犬吠深林雲橫不斷青山潮落無邊滄海漁歌出浦行行宿鷺羣飛日影穿林處處炊煙競出田家麥熟即便裁禾隣婦蠶眠相將剝繭沽鹽買醋運水搬柴解纜張帆垂鞭韁袖燒香掃地合掌搖頭文殊普

賢無端起佛見法見貶向二鐵圍山了也還有人救得麼若有不妨起死回生如無且聽

填溝塞壑

施主八山上堂南泉道盡大地是王老師檀越施者作施想不作施想受者作受想不作

受想若施者作施想入地獄如箭射若受者作受想亦須銜鐵負鞍莫教蹠過南泉

上堂天上無彌勒地下無彌勒白月印千江清風生八極豎拂子云是什麼復云塵尾拂子也不識

上堂舉僧問夾山如何是相似句山云荷葉團團似鏡菱角尖尖似錐復云會麼僧云不會山云風吹柳絮毛毬走雨打梨花蝶飛師云夾山老漢與麼答話恰似夾竹桃花錦上鋪華只是未曾點着本分事在若有人問天寧如何是相似句向他道莫將支遁鶴喚作右軍魏

施主請上堂僧問混沌未分時何如露柱懷胎請師指示師云諸方舊話子進云教學人如何趨向師云棒上不成龍進云分後如何如片雲點太清裏諦當不諦當師云一言既出駟馬難追進云未審太清還受點也無當時靈雲不對意在什麼處師云無朕跡進云恁麼則舍生不來也亦不對且道對即是不對即是師云半夜放烏鵲進云直得純清絕

點時如何猶是真常流注與者僧問處是同是別師云據欵結案進云如何是真常流注似鏡常明爲什麼呼他作鏡師云可惜許進云向上更有事也無云打破鏡來與汝相見古人意作麼生師云也是徐六擔板進云萬

古碧潭空界月再三撈漉始應知師云墮坑落塹僧禮拜師乃云若論生佛未具以前一段大事只在諸人腳跟下動便踏着只是不知起處你道從甚處起掀翻四大海踢倒五須彌正覓起處不得豈不見東山演祖云山

卷五  
僧昨日入城見一棚傀儡不免近前看或見端嚴奇特或見醜陋不堪動轉行坐青黃赤白一一見了仔細看來元來青布幕裏有人山僧忍俊不禁乃問長史高姓他道老和尚看便了問什麼姓師云誰家別館池塘裏一

對鴛鴦畫不成

上堂千人排門不如一人拔關若一人拔關  
千人萬人得到無爲安樂之地山僧與你諸  
人着力看以手招云歸去來歸去來

上堂寒食前清明後雨打桃花風吹石臼近  
來百物價平白米三錢一斗好大哥參堂去  
上堂舉僧問乾峯十方薄伽梵一路涅槃門  
未審路頭在什麼處峯以拄杖畫一畫云在  
這裏師云白雲萬里僧舉前話問雲門門云  
扇子跨跳上三十三天築着帝釋鼻孔把東  
海鯉魚打一棒雨似盆傾師云白雲萬里忽  
有人出來問天寧與麼批判還悞得二大老  
爺麼向他道白雲萬里呵呵囉囉哩囉囉  
哩刹剎塵塵知幾幾十字街頭石敢當忽然  
吸竭滄溟水你輩茄子瓠子那裏知得拍禪

牀便起

聖節上堂僧問佛祖因緣即不問君臣慶會  
事如何師云瑞草生嘉運林花結早春進云  
如何是君師云莫觸龍顏進云如何是臣師  
云量材補職進云如何是臣向君師云赤心  
片片進云如何是君視臣師云如月入水進  
云如何是君臣道合師云俱乃舉無着與外  
道論義着云天下太平國王長壽外道杜口  
不能破師須云義有河沙數不出這一句蚊  
子上鐵牛無你下觜處

上堂眉毛雖長不礙眼鼻孔雖高不礙面諸  
佛雖悟無二心衆生雖迷無二見見不見倒  
騎牛今入佛殿

佛涅槃上堂披胷示衆云要見釋迦老子向  
這裏識取汝等善觀吾紫磨金色之身今日

則有明日則無咄這野狐精縮頭去過去諸  
佛亦如是現在諸佛亦如是未來諸佛亦如  
是卓拄杖云如是如是又卓一下云不是不  
是

進退兩序上堂東邊的東邊去西邊的西邊

去去去實不去生鐵稱錘被蟲蛀來來實不  
來燈籠沿壁上天台且道不動尊居何國上  
一鎚破三關分明箭後路

上堂心本是佛造作還非道不用修染污不  
得只此不染污是諸佛之所護念與麼道早  
是染污了也絲毫無念三塗業因譬如情生  
萬劫羈鎖所以經云若以色見我以音聲求  
我是人行邪道不能見如來你道那個是如  
來銅頭鐵額鳥嘴魚腮

上堂見色便見心大地山河是心作麼生見

又云心不見心無相可得拈拄杖云觀世音  
菩薩變作一條墨漆拄杖子繞四天下走一  
遭回到山僧手裏却是芭蕉和尚你有拄杖  
子我與你拄杖子你無拄杖子我奪却你拄  
杖子若作佛法商量生身陷地獄靠拄杖

結夏小叅僧問大通智勝佛十劫坐道場佛  
法不現前不得成佛道此意如何師云也無  
此意也無如何進云未審何時得成佛道師  
云也無佛也無道進云莫落空否師云空亦  
空進云即今道空的是什麼人師云這漆桶  
進云本來無罣礙隨處任方圓師云玄沙道  
底乃云以大圓覺爲我伽藍身心安穩平等  
性智召衆云性智既然平等說什麼聖說什  
麼凡說什麼迷說什麼悟古也如是今也如  
是僧也如是俗也如是出入入何礙安穩

往往來來是真禁足譬如蟻蟻在蚊子眼  
睫上作窠向十字街頭叫云土曠人稀相逢  
者少復有頌云金毛獅子喋屎狗雪白象王  
推磨驢直下不生顛倒見九旬無欠亦無餘  
靈隱古鼎銘書記至上堂世尊三昧迎葉不

卷五

十九

知迎葉三昧阿難不知阿難三昧商那和修  
不知商那和修三昧優波鞠多不知諸祖三  
昧各各不知且置喚什麼作三昧良久云除  
却黃龍頭角外其餘盡是赤斑蛇

上堂拈拂子敲禪牀云觀音妙智力能救世  
間苦還聞麼復敲一下云我爲什麼不聞召  
衆云莫道我謾你你更謾我太煞也

上堂兔角不用無牛角不用有兩兩不成雙  
三三亦非九夜來空手把鉏頭天晚面南看  
北斗

上堂或時語須辨取或時默誰委悉久參上  
士不要丁寧晚學初機卒難話會只如道近  
上人問道則失道近下人問道則得道不上  
不下不得不失道在阿那頭有時乘好月特  
地過滄洲

上堂若能轉物即同如來你道物作麼生轉  
僧堂入佛殿裏行佛殿入僧堂裏過須彌山  
騎牛說話木人打鼓唱歌露柱每日搗箒楗  
椎拍手笑他且道笑個什麼呵呵便下座  
解夏小參僧問如何是學人自己師云你問  
我覓乃云諸仁者百了千當名爲無事道人  
若到諸方管取明牘下安排永祚這裏放過  
即不可何謂如此百了千當底猶在半途豈  
不見圓悟和尚道以世諦法接人去落在世  
諦法中以祖佛機接人去落在祖佛機中以

向上拈提接人去落在向上拈提中以恁麼恁麼接人去落在恁麼恁麼中以不恁麼不

恁麼接人去落在不恁麼不恁麼中以總不恁麼總不恁麼接人去落在總不恁麼總不恁麼中直饒萬里無片雲青天也須喫棒當

卷五

丁

知此事不從他處得來我王庫內無此刀此刀不離王庫內末後一句始到牢關把斷要津不通凡聖九十日末後句作麼生道朱夏火雲燒碧洞清秋危露滴金盤復舉僧問雲門樹凋葉落時如何門云體露金風師云這僧若道個謝師答話雲門大師管取有理難伸山僧即不然樹凋葉落時如何拈起拄杖纔佇思打下法堂免致諸方檢點

中秋上堂貴買硃砂畫月筭來枉用工夫純將白粉塗成要且未是真月文殊道但一月

真中間自無是月非月豎拂子云本無偏照處剛有不明時

靈隱竹泉和尚至上堂舉廣慧璉和尚道我在先師會中見舉竹箆問省驢漢云喚作竹箆則觸不喚作竹箇則背作麼生省近前奪

得拋向地上云是什麼先師云瞎省從此悟入我道省驢漢悟則太煞悟要且未盡先師意旨師云大小廣慧恁麼道先師實有意旨那將一把火照着面皮厚多少下坡不走快便難逢若是向上提持還我竹泉師兄始得建寶塔上堂僧問答曰南泉和尚因趙州問云如何是道泉云平常心是道如何是平常心師云敲冰取火掘地覓天進云大好平常

心師云我不如你你自會得好乃云問既不弱答得又奇你道契二大老不契二大老還

有人道得麼試出來道看如無人道得自道去也一分奉釋迦牟尼佛一分奉多寶佛塔上堂汝等諸人見我開口便作說法會見我無言便作默然會總向兩頭覓我爭知不在兩頭你道尋常在什麼處莫是高高峯頂立不露頂麼深深海底行不濕脚麼若恁麼早被伊尋着也還知山僧有隱身訣麼終朝不見長相見盡日相逢却不逢有念盡爲煩惱鎖無心端是水晶宮喝一喝

上堂古人真實相爲放下便穩我却不恁麼撩起便行一等是踏破草鞋何故隨人脚後跟轉拈拄杖云拄杖子騎佛殿出山門去也上堂大樹大皮裹小樹小皮纏若不同牀睡焉知被底穿

冬夜小參僧問萬丈寒潭徹底冰時如何師

云陽氣發時無硬地乃云欲得恁麼事須是恁麼人若是恁麼人向愁恁麼事換作恁麼事早是無事生事何況聚頭襍話趁讚過時今日三明日四肚裏黑漫漫地脚下浮逼逼地拈槌豎拂他又不見彈指聲咳他又不聞開口動舌他又不會如無孔鐵槌相似養得一萬個有什麼用處龍象蹴踏非驢所堪鵝王擇乳素非鴨類只貴直下便領更不回頭轉腦不立毫末盡無邊香水海剝剝全收說一句子滿龍宮溢海藏無法不具行一步踏折釋迦老子脊梁骨墜一唾粉碎百千萬億須彌盧猶是奴兒婢子邊事衲僧門下還作麼生五九盡日又逢春上元定是正月半復舉僧問投子大死的人却活時如何子云不許夜行投明須到師云鐵輪天子寰中勅

帝釋宮中放赦書

上堂一塵纔起大地全收羅睺阿修羅王本身長七百由旬化身長十六萬八千由旬將四種兵與天帝釋鬪戰修羅不勝走入繩絲竅中仰面看天低頭看地呵呵大笑云到處

去來不如這裏修羅修羅今後更敢也無

上堂極小同大忘絕境界極大同小不見邊表昨夜濃霜似雪今朝暖日如春父母未生已前何似這個時節無事晚來江上望數株寒柏倚斜陽

上堂釋迦老子道若有一人發真歸源十方虛空悉皆消殞鄧師翁道若有一人發真歸源十方虛空築着磕着圓悟和尚道若有一人發真歸源十方虛空錦上鋪花天寧道若有一人發真歸源十方虛空針劄不入

進退兩序上堂千尺絲綸意在錦鱗紅尾一聲霹靂要看攫霧擎雲隨時有卷有舒觀體無新無舊光揚法社輔弼宗門高蹈世表下視塵窟總是當人受用處還委悉麼龍袖拂開全體現象王行處絕孤蹤

上堂驢事未去馬事到來貓兒上露柱鐵鋸舞三臺大唐天子呵呵笑移取眉毛眼下裁上堂目前無法毛毬毬地意在目前風颯颯地不是目前法平坦坦地非耳目之所到黑漆地上是天下是地靈利衲僧不瞽地既

是靈利衲僧因什麼不瞽地只爲分明極翻令所得遲

施主入山上堂僧問具足凡夫法凡夫不知時如何師云純鋼打就進云具足聖人法爲什麼聖人不會師云生鐵鑄成進云聖人若

會即是凡夫且道會個什麼師云寸釘入木進云凡夫若知即是聖人未審知個什麼師云一筆勾下進云只如今日施主入山請和尚說法爲說凡夫法爲說聖人法師云吹毛寶劍逼人寒進云與麼則大眾獲聞於未聞也師云有什麼了期乃云十方刹土一毫端總是諸人眼自瞞一一三千大千界拋來擲去又何難豎拂子云三世諸佛盡向這拂子頭上成等正覺轉大法輪歷代祖師盡向這拂子頭上興慈運悲解粘去縛山僧即今與你諸人向這拂子頭上一剎那間入華藏世界海入毗盧樓閣入淨入穢入凡入聖入修羅地獄畜生餓鬼現種種形作種種神通變化承事諸佛教化衆生還信得及麼你信也好不信也好擲拂子云拋來擲去有什麼過

度僧上堂未出家時父母兄弟障你光明不得既出家了師僧道伴障你光明不得觀山飲水處拈香撥火處著衣喫飯處屙屎送尿處總是你光明發現處且如父母未生已前這一段光明在什麼處寶月當空圓聖智何山松檜不青青

佛曰普照慧辯楚石禪師語錄卷第一

音釋

鶻胡骨切音捐觸體上徒谷切音獨下郎  
鳥鳴鷹屬

觸體侯切音樓觸體項也

蓐呼高切音萬拔去田草也饋吉云切音分讀古因切

饋人饋灰磚切音也

饋人饋灰磚切音也